

KJP Centar „Skenderija“ d.o.o. Sarajevo  
Skupština Preduzeća  
Broj: 5805 / 24  
Datum: 11. 11. 2024

Na osnovu člana 234. Zakona o privrednim društvima (“Službene novine Federacije BiH”, br 81/15 i 75/21) i čl. 37. i 107. stav (2) Statuta Kantonalnog javnog preduzeća Centar “Skenderija” d.o.o Sarajevo, broj: 7097/22 od 23.12.2022. godine, saglasnosti Ministarstva privrede Kantona Sarajevo za održavanje 3. sjednice Skupštine KJP Centar “Skenderija” d.o.o. Sarajevo broj: 07-03-04-29479-16/22 od 30.10.2024. godine, Odluke Nadzornog odbora KJP Centar „Skenderija“ d.o.o. Sarajevo, broj: 5372 /24 od 22.10..2024. godine, i člana 5. Stav 9. Poslovnika o radu Skupštine Kantonalnog javnog preduzeća Centar “Skenderija” d.o.o. Sarajevo, broj: 320/24 od 16.01.2024.godine, Skupština KJP Centar “Skenderija” d.o.o. Sarajevo na 3 ( trećoj ) sjednici održanoj dana 11.11.2024.godine, donosi

## ODLUKU

### I

Donosi se Statut o izmjenama i dopuni Statuta Kantonalnog javnog preduzeća Centar “Skenderija” d.o.o Sarajevo, koji je prilog ove Odluke.

### II

Ova Odluka stupa na snagu danom donošenja, a objavit će se u “Službenim novinama Kantona Sarajevo i na web stranici KJP Centar „Skenderija” d.o.o. Sarajevo [www.skenderija.ba](http://www.skenderija.ba).

Punomoćnik Skupštine Preduzeća

  
Irmā Šejtanić

#### Dostaviti:

1. Vladi Kantona Sarajevo (putem Ministarstva privrede Kantona Sarajevo)
2. Ministarstvu privrede Kantona Sarajevo
3. Punomoćniku Skupštine KJP Centar „Skenderija“ d.o.o.Sarajevo
4. Nadzornom odboru KJP Centar „Skenderija“ d.o.o.Sarajevo (x3)
5. Direktor
6. SPKOP Preduzeća
7. Na objavu
8. a/a

Na osnovu člana 6. Zakona o javnim preduzećima u Federaciji Bosne i Hercegovine ("Službene novine Federacije BiH", br 8/05, 81/08, 22/09 i 109/12), člana 234. stav (1) tačka p) Zakona o privrednim društvima ("Službene novine Federacije BiH", br 81/15 i 75/21), Odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo ("Službene novine Kantona Sarajevo", broj 31/19), člana 107. stav (2) Statuta Kantonalnog javnog preduzeća Centar "Skenderija" d.o.o Sarajevo, broj: 7097/22 od 23.12.2022. godine, Odluke Nadzornog Odbora KJP Centar "Skenderija" d.o.o Sarajevo broj: 5372 /24 od 22.10..2024. godine, člana 5. stav (9) Poslovnika o radu Skupštine KJP Centar "Skenderija" d.o.o Sarajevo broj: 320/24 od 16.01.2024.godine Skupština KJP Centar "Skenderija" d.o.o Sarajevo, na 3. ( trećoj ) sjednici održanoj dana 11.11.2024.godine, donosi

## **STATUT O IZMJENAMA I DOPUNI STATUTA KANTONALNOG JAVNOG PREDUZEĆA CENTAR "SKENDERIJA" D.O.O SARAJEVO**

### **Član 1. (Izmjena člana 7.)**

U Statutu Kantonalnog javnog preduzeća Centar "Skenderija" d.o.o Sarajevo, broj: 7097/22 od 23.12.2022. godine ("Službene novine, broj: 104/22) u članu 7. stav (1) tačka c) mijenja se i glasi:

"c) broj računa sa nazivom i sjedištem finansijske organizacije kod koje Preduzeće ima otvoren račun, ukoliko Preduzeće ima više računa za svaki od njih";

### **Član 2. (Izmjena člana 8.)**

U članu 8. stav (3) mijenja se i glasi:

"(3) Pečat Preduzeća je kružnog oblika, po čijem je obodu sa unutrašnje strane ispisano latinicom: Kantonalno javno preduzeće Centar "Skenderija" d.o.o Sarajevo."

### **Član 3. (Izmjena člana 12.)**

Član 12. mijenja se i glasi:

„Član 12.

(Uslovi za obavljanje vanjskotrgovinske djelatnosti)

Preduzeće vanjskotrgovinsku djelatnost obavlja u skladu sa Zakonom o vanjskotrgovinskoj politici BiH (Sl. glasnik BiH, br. 7/98 i 35/04), pridržavajući se dobrih poslovnih običaja i poslovnog morala sa pažnjom dobrog privrednika.“

### **Član 4. (Izmjena člana 21.)**

Član 21. mijenja se i glasi:

“Član 21.

(Odgovornost preduzeća za svoje obaveze)

Preduzeće za svoje obaveze odgovara u skladu sa Zakonom.”

### **Član 5. (Izmjena člana 22.)**

U članu 22. stav (2) mijenja se i glasi:



“(2) Direktor zastupa i predstavlja preduzeće u unutrašnjem i vanjskotrgovinskom prometu u skladu sa Zakonom o javnim preduzećima u Federaciji Bosne i Hercegovine i drugim važećim zakonskim propisima:”

**Član 6.**  
**(Izmjena člana 30.)**

U članu 30. stav (3) mijenja se i glasi:

“(3) U okviru osnovnih organizacionih jedinica Sektora funkcionišu niži organizacioni oblici službe.”

**Član 7.**  
**(Izmjena člana 44.)**

Član 44. mijenja se i glasi:

“Član 44.

(Uslovi za izbor članova Nadzornog odbora Preduzeća)

Pored uslova propisanih zakonom, članovi Nadzornog odbora Preduzeća moraju imati univerzitetsku diplomu VII stepena stručne spreme ili visoko obrazovanje prvog ili drugog ili trećeg ciklusa Bolonjskog sistema studiranja iz društvenih ili tehničkih nauka, s tim da I ciklus Bolonjskog studiranja mora imati minimalno 240 ECTS bodova, najmanje pet (5) godina radnog iskustva u struci za koju je stekao univerzitetsku diplomu i da je prošao odgovarajuće usavršavanje u skladu sa Zakonom o privrednim društvima (“Službene novine Federacije BiH”, br 81/15 i 75/21) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti Kantona Sarajevo (“Službene novine Kantona Sarajevo”, broj 34/19) odnosno da preuzima obavezu da usavršavanje obavi u roku predviđenom Uredbom.”

**Član 8.**  
**(Izmjena člana 56.)**

U članu 56. stav (6) mijenja se i glasi:

“(6) Članovi Komisije za žalbe su lica sa završenim VII stepenom stručne spreme ili prvim, drugim ili trećim ciklusom Bolonjskog sistema studiranja i koja imaju najmanje tri (3) godine radnog iskustva.”

**Član 9.**  
**(Izmjena člana 60.)**

U članu 60. stav (3) briše se.

**Član 10.**  
**(Izmjena člana 61.)**

U članu 61. st. (6), (7) i (8) mijenjaju se i glase:

“(6) Komisija za izbor vrši postupak provjere blagovremenosti i potpunosti dostavljene dokumentacije, ispunjavanja propisanih uslova, te druge pripremne aktivnosti za izbor kandidata za Direktora, te dostavlja izvještaj o provedenim aktivnostima Nadzornom odboru.

(7) Na osnovu dostavljenog izvještaja i uvida u dostavljenu dokumentaciju, te obavljenog intervjua sa kandidatima koji su ušli u uži izbor, Nadzorni odbor imenuje Direktora Preduzeća.

(8) Protiv odluke iz stava (7) ovog člana nije dopuštena žalba, već se može pokrenuti postupak pred nadležnim sudom”.

#### **Član 11.**

##### **(Izmjena člana 62.)**

U članu 62. stav (1) tačka e) riječi "Zakona o sukobu interesa u institucijama vlasti Bosne i Hercegovine ("Službeni glasnik BiH", br. 6/02, 12/04, 63/08 18/12) zamjenjuju se riječima "Zakona o sprečavanju sukoba interesa u institucijama na nivou BiH ("Službeni glasnik BiH", broj 18/24)".

#### **Član 12.**

##### **(Izmjena člana 63.)**

U članu 63. stav (1) tač. a) i b) mijenjaju se i glase:

"a) da ima univerzitetsku diplomu VII stepena stručne spreme ili visoko obrazovanje drugog ili trećeg ciklusa Bolonjskog sistema studiranja, tehničke ili društvene nauke;  
b) da ima najmanje pet (5) godina radnog iskustva u struci, od čega najmanje tri (3) godine na rukovodnim poslovima nakon sticanja univerzitetske diplome odnosno visokog obrazovanja;"

#### **Član 13.**

##### **(Izmjena člana 69.)**

U članu 69. stav (1) mijenja se i glasi:

"(1) Direktora Preduzeća, u slučaju spriječenosti obavljanja funkcije u period do 30 (trideset) dana, zamjenjuje po njegovom izboru, rukovodilac sektora u obimu kojim ga rješenjem ovlasti direktor."

#### **Član 14.**

##### **(Izmjena i dopuna člana 80.)**

(1) U članu 80. stav (3) tačka a) mijenja se i glasi:

"a) da ima univerzitetsku diplomu VII stepena stručne spreme, odnosno visoko obrazovanje drugog ili trećeg ciklusa Bolonjskog sistema studiranja ekonomskog smjera, s tim da jedan član Odbora za reviziju može biti lice koje ima univerzitetsku diplomu, odnosno visoko obrazovanje pravnog smjera sa položenim pravosudnim ispitom;

(2) Iza stava (3) dodaje se novi stav (4) koji glasi:

"(4) Najmanje jedan član Odbora za reviziju mora imati certifikat ovlaštenog revizora ili certifikat internog revizora:"

#### **Član 15.**

##### **(Izmjena člana 88.)**

U članu 88. stav (1) tačka h) briše se.

#### **Član 16.**

##### **(Izmjena člana 91.)**

U članu 91. stav (2) tač. b), f), h) i i) brišu se.

#### **Član 17.**

##### **(Izmjena člana 101.)**

U članu 101. stav (2) riječi "i uvjetima djelovanja zakonitosti" brišu se.

#### **Član 18.**

##### **(Izmjena člana 111.)**

U članu 111. stav (1) tačka i) riječi "direktora i" brišu se.

**Član 19.**

**(Rok za usklađivanje općih akata)**

Opći akti Preduzeća uskladit će se sa odredbama ovog Statuta, najkasnije u roku od 60 dana od dana stupanja na snagu ovog Statuta.

**Član 20.**

**(Stupanje na snagu)**

Ovaj Statut stupa na snagu danom donošenja.

Za Skupštinu KJP Centar "Skenderija" d.o.o Sarajevo

Punomoćnik

Irma Šejtanić

brij: 5805/24  
11. 11. 2024